

Stáhtarádi ášahus

buressbirgenguovlluid ovttasbargosoahpamuša sisdoalus ja válmastallamis

Stáhtarádi mearrádusa mielde mearriduvvo sosiála- ja dearvvašvuoda fuolahusa ordnemis addojuvvon lága (612/2021) 36 § 5 momeantta ja 37 § 5 momeantta vuodul:

1 §

Hárve dárbbatlaš dehe earenoamáš gáibideaddji sosiála- ja dearvvašvuoda fuolahus

Sosiála- ja dearvvašvuoda fuolahusa ordnemis addojuvvon lága (612/2021, maŋnel *ordnenlága*) 36 § 3 momeantta 6 čuoggás dárkkuhuvvon barggut ja bálvalusat leat aŋkke:

1) mánáid, nuoraid ja bearrašiid eanet gáibideaddji bálvalusaid vuogálaš sosiálafuolahusa sihkkarastin;

2) eanet gáibideaddji lápmásiid bálvalusat;

3) mielladearvvašvuohalága (1116/1990) 19 §:s dárkkuhuvvon rihkkosis sivahuvvon ja 22 § 3 momeanttas dárkkuhuvvon ránggáštussii dubmekeahttá guđđojuvvon bázahallan olbmo sierrafuolahus su dáhtus fuolakeahttá;

4) earenoamáš gáibideaddji orrunbálvalusaid gáibidan áššedovdidoarjaga ja máhtu sihkkarastin.

Universitehtalaš buohcevesu bajásdoalli buressbirgenguovllus lea ovddasvástádus ovttasbargosoahpamuša válmastallama ja ollahuhttima koordinašuvnnas 1 momeantta 1-4 čuoggáin dárkkuhuvvon áššiin.

2 §

Skuvlen-, dutkan-, ovdánahttin- ja innovašuvdnadoaimma oktiiheiveheapmi

Dasa lassin, mii ordnenlága 36 § 3 momeantta 7 čuoggás mearriduvvo, ovttasbargosoahpamušas galgá sohppojuvvot:

1) ovttasbargoguovlluid buressbirgenguovlluid skuvlen-, dutkan-, ovdánahttin- ja innovašuvdnadoaimma, dan ollašuttinráhkadusaid ja ulbmiliid oktiiheiveheamis strategalaš plánas ollisvuhtan, mii doarju oba ovttasbargoguovllu, vuhtii válddedettiin sosiála- ja dearvvašvuoda fuolahusa riikkaviidosas ulbmiliid;

2) ovttasbargoguovlluin doaimmi sosiálasuorggi máhttogoovddášdoaimmas addojuvvon lágas (1230/2001) dárkkuhuvvon sosiálasuorggi máhttogoovddážiid doaimma ja ulbmiliid oktiiheiveheamis ollisvuhtan, mii doarju oba ovttasbargoguovllu ja buressbirgenguovllu;

3) vugiin, maiguin oktiiheivehuvvojit dearvvašvuoda fuolahuslága (1326/2010) 61 § vuodul ruhtaduvvon universitehtadási dearvvašvuoda dutkamuš ja sosiálafuolahuslága (1301/2014) 60 c § vuodul ruhtaduvvon universitehtadási sosiálabarggu dutkamuš sihke daid bohtosiiguin ávkástallan ovttasbargoguovllu buressbirgenguovlluid ja sosiálasuorggi máhttogoovddážiid doibmii;

4) vugiin, maiguin duddjojuvvojit eavttut ovttasbargoguovllu buressbirgenguovlluid ja ovttasbargoguovllus skuvlen-, dutkan-, ovdánahttin- ja innovašuvdnadoaimma bargi beliiguin ovttasbargui sihke oktasaš máhttin dárbbuid árvvoštallamii ja noahkumii.

Ovttasbargosoahpamušas galgá dasa lassin sohppojuvvot aŋkke čuovvovaš universitehtalaš buohcevesu bajásdoalli buressbirgenguovllu bargguin;

1) ovttasbargoguovllu buresbirgenguovlluidgaskasaš bargojuogu koordinašuvdna, stivren ja neavvun 1 momeantta 1 čuoggás dárkkuhuvvon bargguin;

2) ordnenlága 32 §:s dárkkuhuvvon skuvlen-, dutkan-, ovdánahttin- ja innovašuvdnadoaimma bohtosiid ja buriid geavadiid viiddideamis sosiála- ja dearvvašvuoda fuolahusa bálvalanvuogádahkii;

3) ordnenlága 32 §:s dárkkuhuvvon doaimma bohtosiid čuovvumis ovttasbargoguovllus.

Davvi-Suoma ovttasbargoguovllu buresbirgenguovllut galget soahpat ovttasbarggus sámegeielalaš ja kulturmielddásaš sosiála- ja dearvvašvuoda bálvalusaid ovdánahttimis doahhtalettiin ordnenlága 33 § mielde Sámi (Lappi) buresbirgenguovllu riikkaviidosas ovdánahttinbargu sihke sosiálasuorggi máhttoovuoddášdoaimmas addojuvvon stáhtaráđi ásahusa (1411/2001) 4 § 1 momeantta 2 čuoggás dárkkuhuvvon sámegeielalaš bálvalusaid ovdánahttinbargu.

3 §

Ovttasbargu elektrovnnalaš bálvalusain ja diehtovuogádagain

Dasa lassin, mii ordnenlága 36 § 3 momeantta 9 čuoggás mearriduvvo, ovttasbargosoahpamušas galgá sohppojuvvot dain sosiála- ja dearvvašvuoda fuolahusa elektrovnnalaš bálvalusain sihke diehtovuogádagain, mat adnojuvvojit áššehas- ja buohcciiddieduid gieđahallamis, ja maid ovdánahttimis ja geavahas ovttasbargojuvvo. Ovttasbargosoahpamušas galgá dasa lassin sohppojuvvot almmolaš hálddahusa addojuvvon lága (906/2019) 5 § oktiiveiveheamis diehtohálddahanmálla mielde.

4 §

Heađuštusdiliide ja spiehkastatdiliide ovddaldastin

Ovttasbargosoahpamuša galgá sohppojuvvot sosiála- ja dearvvašvuoda fuolahusa ovddaldastima ja válmmasvuoda oasil:

1) buresbirgenguovlluid oktilis válmmasvuohtaplánemis universitehtalaš buohcceviesu bajásdoalli buresbirgenguovllu ja HUS-ovttastumi stivrema mielde;

2) buresbirgenguovlluid sosiála ja dearvvašvuoda fuolahusa resurssaid geavaheamis, stivremis ja jodiheamis ovtta buresbirgenguovllu návccaid badjelmanni heađuštusdiliin dehe spiehkastatdiliin;

3) ovttasbargoguovllu sosiála- ja dearvvašvuoda fuolahusa válmmasvuoda ja ovddaldastima stivrejeaddji joavkku vuodđudeamis ja doaimmas;

4) ordnenlága 51 §:s dárkkuhuvvon sosiála- ja dearvvašvuoda fuolahusa válmmasvuohtaguovddáža ráhkadusain ja doaimbavugiin dađi lági mielde, ahte válmmasvuohtaguovddážat doibmet riikkaviidosáččat oktilis vuogi mielde ja sáhttet dárbbu mielde doarjut dehe buhttet eará ovttasbargoguovlluid válmmasvuohtaguovddážiid bargguid.

Buresbirgenguovlluid válmmasvuohtaplánaid sisdoalus mearriduvvo sosiála- ja dearvvašvuoda fuolahusa heađuštusdiliide ovddaldastimis addojuvvon stáhtaráđi ásahusas(/).

Visot ovttasbargoguovllu buresbirgenguovllut servet válmmasvuohtaguovddáža doaimma stivremii.

Ovttasbargosoahpamuš válmmastallojuvvo dán paragrafas dárkkuhuvvon paragrafaid bargguid oasil ovttasráđiid sosiála- ja dearvvašvuohtaministeriijain dađi lági mielde, ahte ovttasbargosoahpamušat vuodđuduvvet riikkaviidosáččat oktilis prinsihpaide ja ráhkadit riikkaviidosáččat oktilis sosiála- ja dearvvašvuoda fuolahusa válmmasvuoda ja ovddaldastima ollisvuoda.

5 §

Helssega gávpoga ja HUS-ovttastumi barggut

Dán ásahusa 1 ja 2 §:s universiteahtalaš buohcceviesu bajásdoalli buresbirgenguvlui čujuhuvvon bargguid dikšot Lulli-Suoma ovttasbargoguovllus Helssega gávpot ja HUS-ovttastupmi ovttas dađi lági mielde, ahte HUS-ovttastumi ovddasvástádus lea sosiála- ja dearvvašvuoda fuolahusa sihke gádjundoaimma ordnemis Uusimaas addojuvvon lága (615/2021) 5 § ja 7 § vuodul ordnenovddasvástádusas mielde dearvvašvuoda fuolahusa gullelaš bargguin.

6 §

Ovttasbargosoahpamuša dohkkeheapmi ja doaimmaheapmi sosiála- ja dearvvašvuohtaministerijai

Ovttasbargoguovllu buresbirgenguvllut fertejit dohkkehit ovttasbargosoahpamuša golmma mánu siste das, go stáhtaráđđi lea váfistan ordnenlága 22 §:s dárkkuhuvvon riikkaviidosas ulbmiliid.

Dohkkehuvvon ovttasbargosoahpamuš galgá doaimmahuvvot sosiála- ja dearvvašvuohtaministerijai mánu siste dan fápmuiboahtimis.

Dát ásahus boahtá fápmui suoidnemánu 1 beaivve 2023.

Dan 5 § 1 momeanta guoskaduvvo goitge easka 1.1.2026 rájes.

Helssegis x.x.20xx

...ministtar Ovdanamma Goargu

Namahus Ovdanamma Goargu